

# ادبیات عمومی و اجتماعی

هفته‌لق سیاسی ، ادبی ، علمی غزته‌در

جلد : ۴

سنه : ۲ ۴ شوال ۱۳۳۶ جمعه ایرتسی ۱۳ تموز ۱۹۱۸ نومرو — ۷۶

روز کارلر نهلر سویلیور ؟...

اوصباح بهارک ایلک و فیاض برکونیدی. یوزیمی خفیف و رایحه‌دار برقانا داوقشادی. صوردم: — بزه نسیم بهار ، نفخه جنت دیرلر. — دیدیلر — بیاض و یوموشاق قانادلریمزله باغلردن، کلستانلردن کچدک. تازه یاپراقلرک ، رنگین چیچکارک یوزلرینی اوپدک. ایرماقلرک اوزرندە نقشلر ایشله‌دک ، بغچه‌لرده اوینایان ملک چوجقلرک آلتین صاچلرینی داغتدق ، معاشقلرک معانقه‌لرینی دیکله‌دک ، قیرلانغیچلرک ، سرچه‌لرک قنادلرینی اووقشادق . شمیدی کونشک جانلی حرارت و ضیاسنی تجیل ایدیورز... بو آقشام ، بیاض تول لباسلی قیزلریمزدن برموبک حسن و طراوت آی ایشیغنده رقص ایده‌جکلر.. روحمزه ایلک بهارله جانلانان بوتون کوزل شیلرک خلاصه‌سی وار : تبسم ، رایحه ، رنگ ، نشاط ، آهنگ ، ضیا ، وسودا طاشیورز ....

— بونلری نره‌لره کوتورییورسکیز ؟ .. — دیدم — ایصسز و رنگسز دیارلره دییه جواب ویره‌رک غائب اولدولر .

\*\*\*

اوکله‌دن صوکرانیا نیک هرشکلنده آلولی بررنگ حیرت واردی . سما حمالی بر رکودتله طوتوشیور. جلدیم قطره قطره ارییوردی . کونشک قیرمزی وحید جهره‌سنه

## بیوک آداده

بر شب بو جزیره دل آرا  
ایتدی بنی بختیار سودا

کو کدن ایدیوردی ماه رعنا  
اشجاره کومش قبالر اکسا

چاملرده نسیم عنبر افشان  
حاصل ایدیوردی پک خوش الحان

چاملر ؛ آدانک برر کانی  
آهنکی چکر سایه جانی .

برنغمه دلنواز شهناز  
ایلر ایدی نازلی نازلی پرواز

تکرار سرود ایدردی وادی  
دل اولمش ایدی غریق شادی

نزدوده دییوردی برملکزاد :  
« برشعر لطیف ایله انشاد ! »

ویردم بوجواب بی ریانی :  
« سیر ایله بوجای دلکشایی ! »

لایق بو محل شاعرانه  
ارباب خیاله اولسه لانه

اشعار نفیسه هپ مناظر  
کلمکده بویرده وجده ناظر

وارسه بو بدیعهلردن احسن  
سنسک ملکم جهانده برسن !

اک دلبری انجمک ؛ کوز کدر  
اک شوق فزا نوا ؛ سوز کدر

سنسک بکا اک کوزل چیچک سن !  
سرمست مدام بویکم بن !

ذوقم ، کدرم ، تفکراتم  
سنسک ملکم بتون حیاتم ! .

حظ ایتدی ، دیدی : « نه شعر ساحر !  
آل ، جائزه ایشته » بوسه .. شاعر !

مصطفی رشید